

مشتاق

محل مطبعه و اداره :

جفال اوغلنده امنيت
صندوغى جوارنده
شنكول يقوشنده
۲۲ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلمه یں آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و مشوره اسلامیه بحث ایدر و هفته ده بر نشر اولنور .

صاحب و مؤسساری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادته نسخه سی ۵۰ پاره در

قیرله دن مقوا بورو ایله کوندربلیسه سنوی
۲۰ غروش فضله آلنیر

آیونه بدلی

سنه لکی

مالاک عثمانیه ایچون	۶۵	۳۵	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

آلتنجی جلد

۱۴ ربیع الاول پنجشنبه ۳ مار ۳۲۶

عدد : ۱۳۶

یا قلاشیر، حسیاتمزی آکلایه رق ضعیف و مظلوم بر ملت است. حقوقی مدافعه
ایده جکارینه اطه شامز بولوندیغنی کندبلیینه عرض ایدرز ..»

م . ر

سلطان سنوسی نیک فاجعه قتل

قارلر منه موجب تأسف برخبر ویره جکره صحرای کبیر مسلمانلرینک انقوذلی
و متمدن رؤسائیدن شیخ سنوسی اولاد واقاربیه برابر افرنجی کانون نائینک
اون ایکنجی کونی برصورت فجیعده شهید ایدلشدر .

صک پسته ایله آلدیغیز (تان) غزته سی بوباده تفصیلات آتیه اعطایدیور
یوزباشی وودانک قوماندانی آلتیده فرانسز مفرزه عسکریه سی تاریخ
مذ کورده (نضله) جوارنده سلطان سنوسی نیک هان کافه سی سریع آتشی
نفشکله مجهز اردوسنه تصادف ایتشدر . مصادمه صباح آلافرانقه ساعت سکر
بوچوقده باشلایه رق اقشام بشده شهید ایدلشدر . لازم غروفلدر اداره
ایتدیکی رولور طوخی سلطان مشار ایله ایله اوغلنک قرارکاهی اوزرینه توجیه
وبرطور باردانه ایله اله کچردم دبیله باغرمشدر سنوسی نیک دیگر اولادی ده تلف
ایدلش بوتون معبئی خاقی ده برربرر قیچیدن کچرلشدر . تلفاتک ایکی یوزه
و مجروحینک درت یوزه بالغ اولدینی تخمین ایدیلور .

سلطان سنوسی ۱۸۹۲ تاریخندن اعتباراً کندینی طایفه به باشلامش واز
زمان ایچنده او یانفیک شمانده غایت مهم بر حکومت تشکیلنه موافق اولمشدر .
سنوسی سریع آتشی نفشکرله مجهز اوچ درت بیک عسکرک براردو تشکیل
ایتشدی . کندیسنک و خاندانک بویه فجیع برصورتده ضیاعندن دولای اظهار
تأثردن کندیزی آله میز

* *

ظفر ملعون

نه دن بحث ایده حکم بو عنواندن آکلاشیلا جاقی ؟ بزم مسلمانان
قارداشلر آفریقانک کوکشنده بر مدنیت اوروپائییه نیک ایشله دیکی ، بر
منور ، برنو طالع حکومت اسلامی اوزرنده ایشله دیکی جنایت ملعونیه ،
لایق اولدینی هیجان و غضبه ایشیتدیلمی اوکرنیلرمی ؟
سنوسی دن ، سنوسی لک دن بن بوراده بحث ایتک ایسته می یورم .
بوندن تفصیلات ایله ، تدقیقات ایله بحث ایدنلر اولدی و بحث ایدنلر
اوله حق .

سلطان سنوسی داخلی آفریقاده ۱۸۹۲ تاریخندن بری نظر دفته
چارچاق بر درجه ده بر حکومت اسلامی تأسیس ایتش و عساکرینی
اوروپا ترقیات حربیه سنک حذاسنه چیقارمه یه سعی ایتمکده بولونمشدی .
سنوسی اوزمان دن بری ، فطانت ممتازه و سیاستکارانه سی سایه سنده
آفریقانک (هینترلاند) دینیلن داخلی قسمنده بر چوق قبائی کندیسنه
بیعت ایتدیرمشدی . اوروپا علماسندن بعضاری سلطان سنوسی ایله
کوروشمش و بوضرا امپراطورینک ذکای باریک و فیاضنه حیران
اولمشدی . بو هفته چیقان Le monde illustre ، مجموعه مصورده سنده
بو خصوصده تفصیلات و وثائق واردر .

صوک پسته ایله پاريسدن کلن ، ۷ مارت ۱۹۱۱ تاریخلی (تان)
غزته سی « سنوسی نیک مغلوبیتی و اولومی » عنوان متفاخرانه سی آلتیده
مفصل بر مقاله درج ایدیور . و سنوسی نیک دوستمز فرانسه مفرزه
عسکریه سی طرفندن ناصل مغلوب و قتل ایدلدیکنی آکلاتیور .

نظر دفته آلدقندن سوکره کرک اقتصاد کرک سوق الحیش نقطه نظرندن
انکلیز ملتک بویه بر پروژیه تصدیقه راضی اوله بیله جکارینی ظن
ایتمیز .

ایرانده اصلاحات

هری طرف مدقنک تحت تصدیقده درکه عجمستان بو قدر قیصه
بر مدت ظرفنده یه ایچه شیلر یاپه بیله که موافق اولدی . یکی ایران
مشروطیتنه قدر دوام ایدن اون بش آلیق بر مدت ظرفنده وسائطک
فقداننه رغماً آتیده کی تنسیقات یاپلمشدر :

(۱) انتخاب قانونری اصلاحاتی (۲) یکی انتخاب قانونی موجب
طهرانده هیئت ممثلین (۳) یوللرده تأمین امنیت ایچون ژاندارمه تعیین
۵۴ هر شهر و قصبه ده بلدییه تأسیسی ، ۵۵ ایرانک هر طرفنده محاکم
عدلیه نیک کشادی (۶) مربلده ده تربیه ، اوقاف ، مالیه ، داخلیه و اداره
مأمورلری آیینی (۷) مسکوکات اصلاحی که پک ایی نتیجیلر ویردی .
(۸) املاک دولته نظارت ایتک اوزره بردائر که ملکیتک ایرادینه پک
چوق تأثیر ایتدی . (۹) ویرکوی شخصی دائره سی تشکیل (۱۰) حکومت
طرفندن طون انحصاری (۱۱) « فیون انحصاری » (۱۲) تفیشات دائره سی
تأسیسی (۱۳) محاسبات دائره سی تأسیسی (۱۴) یکی سیستم خسته خانلر ،
موزلر ، مبانی رسمیه انشاسی (۱۶) طهرانده ۲۰۰۰ کوکلو عسکر
قیدی (۱۷) ترسانه و جیخانلرک تنظیمی (۱۸) شهر دد سلاح طاشیمه سی
منع ایدن یکی قانونک تأییدی (۱۹) شمیدی به قدر مجلسه ویرلمه یین
بودجه نیک تحقیقی (۲۰) دوائر عدلیه نیک صلاحیتلرینک تعیینی (۲۱) سجل
دائرة سنک کشادی (۲۲) تلغراف و پوسته دوائرنده اصلاحات ابتدائی
(۲۳) پاساپورط اعطاسنه مخصوص دوائر (۲۴) امور وقفیه نیک تنظیمی
ایچین یکی قانونلر (۲۵) تربیه دائره سنه دائر قانونلر (۲۶) قوه اجرائیه نیک
وظائفه دائر قانونلر (۲۷) مختلف نظارتلر و شعبات اداره قانونلری (۲۸)
ایرانده کی تجارشرکتلری معاملاتنه دائر قوانین (۲۹) معدن امتیازینه
دائر قواعد و نظامات ..

عجملرک انکلیزده دن استمدادی

الارنده کی محدود وسائطه رغماً عجملر اقتدارلرینی پک اعلا
کوستردیلر ، اکر معجزه یاپمادیلر سه عیب ذکدر ! زیرا حریتی یکی
استحصالی ایدن هر ملت طریق تکاملنده یویه بر چوق مانده لره تصادف
ایدر ، طریق ترقی بوکون عجملر ایچین آچقدیر . ایران اهالیسنی
طانایانلر اونلرک نه قدر صلح پرور و ثباتکار اولدقلرینی تقدیرلر ،
بز کندی مملکت مزه کووه نه بیلیرز . یالکیز بزی کندی مزه براقینیلر ،
هندستانده ساکن عجملر بوملی غائله لر ساعتده کندیلرینی
استقلالدن محروم ایتکه چالیشان تدابیر زجر یه دن محافظه ضمننده
انکلیز ملتندن استمداد ایدرلر ... انکلیز ملتک حسن توجهی سایه
ایران اقللرنده طویلان بولوطلر داغیلر ، و مسعود بر شفق بوبد بخت
مملکتک یوزنی کولدورر . بزه انکلیز ملتکی مملکت مزی جاندن سودیکمز
ایچون کندینی اداره صنعتی اوکره نن کنج برشا کرد صفتیه اونلره

ایشته شیمدی بن یازاجم - سیجه نك جانكاهنه دوقونیورم :
آفریقانك ایچریسنده فعال برذكا چیقیورهیچ کیسه نك ضرر و زیانه
اولیه رق بر حکومت اسلامیة تشکیل ایدیور اورویا مدنیته مملکتیه
ادخاله باشلاور. مملکتندن برکشور معمور و منور یاماق ایسته یور .
فرانسه جمهوریتی بونی ای کوزله کورمه یور (مودا) اسمنده بر
یوزباشی نك تحت قومانداسنده بر مفرزه عسکریه کونده ریور .
(غریون فلهدر) اسمنده بریهودی ملازم، میترا بیوزی سلطان سنوسی نك
ومعیتك اوزرینه چویریور سنوسی بی، اوغلنی و ۴۰۰ قدر معیتنی
اتلاف ایدیور . بو صورتیه بر حکومت اسلامیة نك حیاته ختمه
چکیلیور .

بن شیمدی صورارم . بزده ذره قدر غیرت اسلامیة و انسانیة وارمیا ؟
خلیفه کلهسی امیر المؤمنین کلهسی ایله مترادف المنی در. عثمانی درانی غینی
زمانده بر مسلمان امپراطورلنی در هر حالده عثمانی پادشاهی عموم مسلمانلرک
معنوی بر حکمداری در . بك اعلا بز بو عنوان خلافتی قورو بر عنوان
اولراقی محافظه ایده جکیز ؟ فرانسه بزم کنده سنی دول متحابه دن
اولق اوزره تقدیم ایدیور؛ بو تقدیم بعض کارل امتیازلر قوبارمق
بول بول سپارشلر آلاق ایچینعی در ؟ داها دون بحریه مز ،
فرانسه ایله ، فرانسه نك ایکی دستکاهنه (سهن نازدر) دستکاهیه
(فورت نه شانیه) دستکاهنه ایکی یوز اون بیک لیرالقی غامبوط
ایصارلادی . بز علی الدوام پاره مزی ویریور . بوباره لر مز
خارجده بزم علیمزده قوتلر تشکیل ایدیور . بول بول ویردیکمز
پاره لریمزک صوکره آرقاسندن قوشدوریور : یوزده سکنز . . .
اون قاضیه استقراض یتیمه یداوغراشیورز . بکا اوله کلیورکه حکومت
سنوسی بی محو ایدن ضمه بهیه بز بورادن بر قسم قوت اعاره ایتدک . . .
دار الخلافه اسلامیة ده انتشار ایدن فرانسه زجه Sampoul غریته سی
۲۵ شباط ۱۳۲۶ تاریخلی نسخه سنده بو وقعه بی . فرانسه عسکرینک
افریقاده مظهریت جلیله بی « عنوان کستخانه سی آلتنده یازیور !
بکا اوله کلیرکه فرانسه ایچین بو ظفر ملعون بر منلویت در .
سنوسی مملکتی متضراره قارشى مدافعه ایدیور ، وطن
پرورلک ایدیور . محبت وطنیه بی اک بویوک فضیلت لردن عد ایدن
فرانسه بر حیدود کبی حرکت ایتش اولدینغی ادراک ایتمه یه جک
بر حالده ایسه فرانسه مغلوب در یوق بونی ادراک ایده جک
بر حالده ایکن بو جنایتی ارتکاب ایدیور سه ینه مغلوب در .
قوت حقه تقدیم ایتسه ده هیچ بر زمان بر حق تشکیل ایتمز .
فقط بز فرانسه نك حالیه مشغول اولمالیم اورتاده بر حقیقت مدهشه
وار . اوده شودر ، که اورویا لیر بوتون فلسفه لرینه فیلسوفلرینه
بدایعنه ، ادبیاته محاسنه حریت افکارینه رغماً اهل صلیب اولادی
قالدق لرینی وافح و قطعی بر صورتده کوسته ریورلر . بناء علیه
حاضر ومتیقظ بولونماز لازم در . اک بویوک غدارلق ، اک بویوک
ظالمک ، اک بویوک آجاقلق ضعیف اولقد در . قوی اولما مقدر .
درجه صمیمیتلرینی بیلمه دیکم بعض مسلمان محررلری (اتحاد اسلام) دن

دم اوریورلر . قویونلرک اتحاد ایدن نه چقار ؟ . بز مسلمانلر
قویون سوروسی قالدینغی ایچین درکه ، که اک ضعیف متحابه دوستلر مز
بیله یرتیجی قورت اولیورلر . سیفیلین دن ، تردی دن ، القوا یزم دن
چورون ، قیریلان معروف علماسندن ، (لوروو ابولیو) نك قولنجه
الای سنه صوکره ، تناقص متزاید نفوسیه نابود اولمایه محکوم بولونان
فرانسه بز قویونلرک یرتیجی قورتی اولیور ! .

سلطان سنوسینک شهادتی اوزرینه دین قارداشلر مزدن بر ذاتک
جان آجیسیله یازدینغی مقاله سنی یوقاری یه درج ایتدک . فقط در حال
اخوان مسلمینه تبشیره لزوم کورورز که فرانسلرک شهید ایتدکلری
سلطان سنوسی آفریقای وسطاده اسلامیتک بر رکن قویمی اولان
طریقت علیه رئیس شیخ سنوسی حضرتلری دکلدر ، طریقت
سنوسی نك مؤسس عالیسی شیخ السید مهدی السنوسی حضرتلری
۱۳۲۲ سنه هجریه سنده وفات ایتشیدی . سید مشارالهی شیخ
احمد شریف السنوسی حضرتلری ایتخلاف ایلدی . شیخ سنوسی
اخوان سنوسی نك مرکزی اولان بتغازی جنوبنده کی (کوفره)
واحه سنده ساکن در . بوراسی آفریقای عثمانیک اراضی داخلیه سندن
[هینرلاندندن] معدود اولدینغی ایچون اورایه هیچ بر اجنبی دولتک
تعرض حق یوقدر . فی الواقع هنوز نه انگلیزلر ونده فرانسلر
بورایه ید استیلا لرینی اوزا تماملر در .

شهادتی کمال تأثرله خبر آلدان سلطان سنوسی یه کلنجه ، مشارالیه
(جاد) کولنک جنوبنده جاری (شاری) و (غری بینکی)
نهرلری حوضه سنده کائن بر سلطنت اسلامیة نك حاکمی در . سلطان
سنوسی ۱۳۰۵ سنه سندن بری آفریقا تقسیمنده فرانسلرک دائرة
نفوذلرنده بر اقیلان (وادی) حکومتیه تابع و خراجگذار اولدینغی
کبی ینه او دائره ده بولونان (باغیرمی) حکومتیه ده مخدات اوزره
بولونیوردی . حتی مأموراً اورالرده بولونقدن صوکره ۱۳۱۴
سنه سنده فرانسه یه عودت ایتش اولان یوز باشی (زانقی) رفاقتده
فرانسه یه ایکی مبعوث بیله کوندرمش و بو صورتیه حکومت جمهوریه یه
احترام و صداقتی اظهار ایتما ایسته مشیدی . لکن فرانسه ایله
سلطان سنوسی بیننده کی حسن مناسبت اخیراً وادی حکومتیه
فرانسه آرده سنده تحذیر ایدن خصومتک نتیجه ضروری سی اولق
اوزره منقطع اولمش و بو انقطاع فرانسلر عسکرلرله سلطان سنوسی
اردوسی چاپیشمسی و مشارالیه حضرتلرینک اولاد و عیالیه برابر
شهید ایدیلیمسی انتاج ایلمشدر .

شهید مشارالیهک (بورنو) سلطانی (راج) ایله مناسبت صهریه سی
واردی . ۱۳۰۷ سنه سنده فرانسه طرفندن بوحوالینک کشفی ایچون
کوندریلن (قرامپل) هیئت سفیری سی سلطان (راج) ک توابعی
طرفندن قتل و محو ایدیلیمشیدی . فرانسه حکومتی بو حرکت خصمانه بی
سلطان سنوسی یه عطف ایلمش اوزماندن اعتبار اترقب انتقام بولونمشدر .
سلطنت سنوسی نك محاسنه فرانسه بی سوق ایدن اسبابدن بریسی ده

ارلان خسته زوجه‌ها، رفاقت ایتک اوزره استانبوله کلوب کیتش ایدی .

شباطک ۱۲ نجی کیجه سی ، اورنبورغده چیقوب روسیه مسلمانلری آره‌سنده ان چوق منتشر اولان « وقت » جریده‌سنک سر محرری فاتح کریمی و محررلرندن برهان شرف و عبدالرحمن فخرالدین افندیلرک خانه‌لرته بش آلتی ساعت تحریات اجرا ایدیلوب کاغده متعلق نه وارسه جهله سی طوپلانونب آلندی . فاتح افندی ، روسیه مسلمانلرینک الیوم ان کسکین قلملی محررین سیاسی‌سندندر . ریاست تحریری سی آلتنده بولونان « وقت » عالم اسلامک ، ان فائده‌لی جرائندن بریدر . فاتح افندی مکتب ملکیه‌ده تحصیل ایتشدی .

عین کیجه‌ده « شورا » مجله اسلامی‌سسنک مدیر و سر محرری فضلالی عصردن قاضی رضاءالدین ابن فخرالدین حضرته‌لرینک بیت‌المساعیده دخی تعرض اولنه‌رق ، صرف علوم و حکمیات ایله مشغول مشار الیهک آثار و اوراقی‌ده مصادره ایدیلدی .

ینه بو صره‌لرده « یلان کول » قریه‌سی امامی زکی جان افندی‌نک خانه‌سنده تحریات اجرا اولندی . مصر تاتار طلبه جمعیتک اعانه دفتری بولندیغندن دولای بوکوله شهرینه کوتوریلوب حبس ایدلدی بیردکده معلم اسحاق افندی‌نک و بوبی جوارنده کائن ایکی قریه‌نک امامی افندی‌نک خانه‌لری تحری اولنوب هر اوچی توقیف ایدیلدی . شباطک ون دردنجی کیجه‌سی قرانک مدرسه منصوریه‌سینه پولیس کلهرک تحریاتده بولوندی .

یرنده راحت ا

صالی کونکی طنینده شو سطرلری کمال استغراب ایله او قودوق

روئللو

مالیه نظارتی قلم مخصوص مدیری نسیم روسو افندی‌نک لطفی فکری یک طرفندن مجلس مبعوثانده کندی علیهمده وقوع بولان تجاوزات محترانه‌دن دولای دوئللو ایتک اوزره‌درسم مبعوثه شاهدلری کوندردیکی مستخبردر . حمدالله سلطنت اسلامیة عثمانیه‌ده دوئللو دینان عادت وحشیة غریبه بوکونه قدر کورولمش ، ایشیدیلمش بر جنت دکدر . غریبه‌کی رقی افکار ایله آرزوق آشنا اولانلر بیلورلرکه افکار منوره احبابنک جهله‌سی بو فضیحه‌ مجنونانه‌نک تماماً علیهمده‌در . و بونکچون حکومت مدینه‌دن بر قسمی ، قرون وسطادن قالد بو منجوس کوره‌نک محکم بر عادت اوله‌سینه رغماً ، دوئللوی منع ایدر قوانین وضع ایتشدردر . صانکه کندی فنا کوره‌نک کفایت اتمیورمش کبی ، بر قاج عصر اول جناح شفقت و مرحمتزه صیغیمش بر طاقم ملتجیلرک احفادی طرفندن ، جمعیتزه بو قانی جنتک‌ده ادخالی ایسته‌یلدیکنی « طنین » ک یوقاریده مندرج خبرندن ا کلاپورز .

بز مسلمانلر ، غریک شدائد ظالمانه‌سندن و بالخاصه اسپانیا انکیزیسیونلرندن قاچان بر طاقم زوالیلری مملکتزه قبول ایتدک

سلطان مرحومک شیخ سنوسی حضرته‌لریله مناسبات دائمه‌ده بولونسی و اکثر توابعنک اخوان سنوسی‌دن اولسی در . حکومت جمهوریه بو حرکت شدیدسیله آفریقاده مطالع انوار اسلامی‌دن ان مهمی اولان طریقت علیه سنوسییه برضربه شدید ایتدیرمک ایسته‌مشدر . لکن (یریدون ان یطفوا نورالله بافواهم و یابی الله الا ان یم نوره ولو کرم الکافرون)

روسیه‌ده تضییقات

اولکی هفته منتشر « صراط مستقیم » ده قران علمای مشهوره‌سندن داملا عالم جان و داملا عبدالله حضرته‌نک خانه‌لری تحری ایدلدیکنی کتاب و اوراقلری مصادره اولندی و بوبی مدرسه‌سنک قیادلدیغنی یازمشدق . بو ایکی هفته ظرفنده کلن روسیه مسلمان غزته‌لرینک یازدیغنی خبرلر تضییقه‌نک . شیمدی‌یه اندر کورولمه‌دک بر درجده کسب شدت ایلادیکنی بیلدیریور . تضییقاتک تجلیات مادیه‌سنی صایمده‌دن اول . اسبابی حقنده شایع اولمش بر روایت غریبه‌نی نقل ایدلم : روسیه‌نک شرقنده ، وولغا نه‌ری حوضه‌سنده ساکن اولان اهل اسلام آره‌سنده ، بوندن درتیوز سنه اول روسیه طرفندن حیانه خاتمه چکلمش اولان قران خانلرک احیاسی قصه‌دیه کویا بر جمعیت تأسس ایتش ایتش ! و بو جمعیتک مؤسسری ، ممالک اسلامیة ایله و علی‌الخصوص دارالخلافه مسلمانلری ایله مناسبتده بولنیورلرمش ! بوتون بر افسانه‌لر ، بر ایکی شائناجی طرفندن روس حکومتده خبر و یریلمش ایتش : حکومتده اینانه‌رق و یاخود اینانیر کبی کورینه‌رک ، بر سوری تحریات ، مصادرات و توقیفاته لزوم کورمش ایتش .

اسباب نه اولورسه اولسون نتایج بوجه آتیدر :

۳۱ کانون ثانیده بوبی مدرسه‌سنک مدیرلری عیدالله و عبدالله افندیلر حضراتی توقیف ایدیلر . عین کونده مدرسه‌نک بوتون معلملرینک اولری تحری و کندیلری توقیف اولندی .

۶ شباطده تونز مدرسه‌سی مدیر و مدرس ، مشایخ مشهوره‌دن علی ایشان حضرته‌لرینک مخدومی نجیب افندی حضرته‌لری توقیف اولندی . ۵ و ۶ شباط قران شهرینک مسلمان کتابچی دکالربنک جهله‌سنده پولیس طرفندن تحریات اجرا ایدیلوب ، « بیک بر حدیث شریف » ترجمه‌لری (مصر و قران طبعی) حتی متلری مصادره اولندی . شباطک ۱۱ نجی کیجه‌سی ، ترویسکی شهرنده روسیه مسلمانلرینک فعال خادم‌لرندن عبدالرحمن افندی احرفک خانه‌سنده تحریات اجرا و اوراق مصادره ایدیلدی .

عین کیجه‌ده اوفا شهرنده ، مجلس مبعوثان اعضای سابقه‌سندن و قرغز - قازاق خان زاده‌لرندن حیت ملیه و دینی‌سی ایله معروف سلطان سید کرای جان توره حضرته‌لرینک قوناقلرنده تحریات اجرا اولنوب اوراق مصادره ایدیلدی . مشار الیه حضرته‌لری درت ، بش آی اول ، بر آی تبدیل هوا ، قیشی استانبوله کچیره‌جک